

- 1 sidi rbbi iga wad ithennun ar-iterham, ar-itšbar ar-bdda-iskâr s-ufulki ula lħăqq. (ufuğ 34:6)
- 2 a-sidi rbbi, guwwed-iyi ġ-uğaras-nnek inmen. (imurign 5:8)
- 3 ħđiğ awal-nnek ġ-uwl-inu a-ur-ffuğğ ağaras-nnek. (imurign 119:11)
- 4 awal-nnek a-ğ-n-rjiğ a-rbbi, qelğ a-yyi-təawent. (imurign 30:15)
- 5 rbbi waħdut a-igan ajarif-inu, ig lberj, ig antal-inu, ur-sar-mmussiğ. (imurign 62:2)
- 6 ašk-id a-sidi rbbi, təawent-iyi ġilad ay-anejjam-inu. (imurign 38:22)
- 7 ra-ijjenjem mġiddn-ns zğ-ddnub-nsen. (matta 1:21)
- 8 kraygatt ass ar-asn-itzayad siditneğ ġwilli njemnin. (ireqqasn 2:47)
- 9 alğat rbbi ašku nttan a-ifulkin, ar-bdda-iskâr s-leħnant-ns izgan. (imurign 107:1)
- 10 illa fellawn a-tfulkim s-ufulki ikemmeln, ġemkelli kullu ifulki babatun n-igenna. (matta 5:48)
- 11 yan ifulkin, ar-d-issufuğ ma-ifulkin zğ-lħzin n-ufulki lli-issmun ġ-uwl-ns. (luqa 6:45)
- 12 baba rbbi a-dâr awal a-iskâr ussan d-izmaz. (ireqqasn 1:7)
- 13 ġ-ur-ta-luln idrâr ula tskert akal tekkit-ttin bdda tgıt rbbi, ra-tegt rbbi dima. (imurign 90:2)
- 14 ttekeln fellak imzwura-nneğ lli zrinin, ttekeln fellak tġjenjemt-tn. (imurign 22:4)
- 15 ha-yyi ġ-tassast. ad-ur-tsserkst udm-nnek f-uħeddamm-nnek. (imurign 69:17)
- 16 [inna sidi rbbi:] lliğ u-ta-yyi-d-ğrin ra-n-jawbeğ. sul a-d-sawaln s-sfeldğ i-wawal-nsen. (iŝaeya 65:24)
- 17 ar-ntall awal-nneğ ar-ntalğ rbbi, ar-as-nettirir s-imurig l-lfrăħ. (imurign 42:4)
- 18 rbbi izga zund aźru imeqqurn, kullu ma-iskâr ifulki. (titniyya 32:4)
- 19 [inna sidi rbbi:] ra-tn-geğ ġ-laman lli-zuźdn. (imurign 12:5)
- 20 ġwalli-ağ-itəawann iga sidi rbbi lli-iskern igenwan d-wakal. (imurign 124:8)
- 21 hay-awal n-rbbi idder itjehhed, imsad ugg^war n-tazżit lli-imsadn zğ-snat-tsgyu, ar-itebbi ġ-ug^wns n-bnadm... ar-issbayyan nniyt n-uwl ula ma-iqşad. (iebraniyn 4:12)
- 22 ar-sflident-wulli-nu s-wawal-inu... ur-rad-iyi-tnt-ikkis yan zğ-ufus-inu. (yuħanna 10:27-28)
- 23 siditneğ iqama-bdda ġ-wawal-ns, ra-k^wn-issdus issental-k^wn zğ-walli y^wħşenn. (2 tasaluniki 3:3)
- 24 amzlay, amzlay, amzlay a-iga sidi rbbi lli-iħkamn kullu ma-illan. ikka-ttin illa, yili, ra-bdda-yili. (anurzem 4:8)
- 25 ġemkelli-s-att^win ignwan f-wakal... a-s-att^win iswingimn-inu f-iswingimn-nnun. (iŝaeya 55:9)
- 26 sslamt-inu ayd-awn-fkiğ. ur-ra-tizğdar ddunit ad-awn-tti-tefk ġemkelli-awn-tt-fkiğ nkki. (yuħanna 14:27)
- 27 a-ur-ttirim ddunit ula kra illan ġ-ddunit... ar-tzray ddunit ula kullu ma-gis-ttirin mġiddn, imma yan iskâr s-ma-ira rbbi, ra-idder tudert idumn. (1 yuħanna 2:15,17)
- 28 sidi rbbi ar-ithennu ar-iterham. (imurign 145:8)
- 29 thennwat i-ngratun ġemkelli gigun thennuğ. (yuħanna 15:12)
- 30 maħ aylliğ teksuđm? is-ur-tuminm? (matta 8:26)
- 31 ha-yyi umneğ. mayan a-f-sawleğ. (2 kurintus 4:13)

- 1 hati tazallit n-yan irđan rbbi ar-di-ttawi kigan. (yaæqub 5:16)
- 2 kšem s-tšanut-nnek tqqent tiftut tẓẓallt i-babak lli-intln, ra-k-ibârک babak lli-izerran ma-intln. (matta 6:6)
- 3 sidi rbbi ifulki, isker bdda s-leĥnant-ns, izga bdda ġ-wawal-ns. (imurign 100:5)
- 4 hati ifulki-wawal n-rbbi, ar-bdda-issdus ulawn-nneġ. (imurign 19:7)
- 5 illa fellawn a-tgem wid skârnin s-wawal n-rbbi, urd wid sflidnin uk^wan. (yaæqub 1:22)
- 6 wanna yaġ irifi, izđar a-d-yašk, isu zġ-waman n-tudert, kullu wanna iran, bla ifka yat. (anurzem 22:17)
- 7 ġwilli ittirin rbbi iġra-yasn-d ġemkelli iqšad, nssen is-a-yasn-iskâr afulki ġ-kullu mad-asn-ijerrun. (ruma 8:28)
- 8 a-ul-inu,... rju-n ġilad ġ-rbbi, ašku rad-as-daġ-teĥmadġ. (imurign 42:5)
- 9 qel s-sidi rbbi, ra-k iijenjem. (amtal 20:22)
- 10 sidi rbbi ra-ibârک mġddn-ns s-sslamt. (imurign 29:11)
- 11 sslamt n-rbbi lli-yuġ^wrn iswingimn n-bnadm, ra-tgabl ul-nnun ula læaql-nnun ġ-tamunt l-lmasiĥ. (filibbi 4:7)
- 12 ajjat sslamt l-lmasiĥ a-tmala i-uwlawn-nnun kullu ma-gigun-ira. (kulussi 3:15)
- 13 yan dâr taĥkimt lli-d-ikkan igenna, ġemkad a-ra-ig. amzwaru iġus-uwl-ns, yiri sslamt. (yaæqub 3:17)
- 14 a-yili lmăjd i-rbbi ġ-tatt^wit, tili sslamt i-willif-irđa ġ-ddunit. (luqa 2:14)
- 15 rbbi isker sslamt ġ-graġ dids ifk-aġ lwurt n-tudert idumn lli-n-nerja ġilad. (tiġus 3:7)
- 16 inna rbbi: «a-tili tifawt» s-tlla tifawt. (isizwar 1:3)
- 17 aškadd a-nfettu ġ-tifawt n-sidi rbbi. (išaeya 2:5)
- 18 twurrim tekšemm s-tifawt n-siditneġ. skârat ġemkelli-d-iqqann ayt-tifawt. (afsus 5:8)
- 19 iqqan-d tifawt-nnun a-tisfyu ġ-lġ^wddam n-mġddn, baš ad-żern afulki lli-tnskârm alġn babatun lli-illan ġ-igenna. (matta 5:16)
- 20 urd aġrum ka-s-a-itedder bnadm, walayenni s-kraygatt awal nna-d-yuškân zġ-dâr rbbi. (matta 4:4)
- 21 rad-rezmeġ ulawn-nsen ard irin a-yyi-issann, issann-nnit is-giġ rbbi lli-bdda-illan. (irmiyya 24:7)
- 22 rbbi waĥdut ad-dâr-sigġilġ asunfu, d-nttan a-ġ-n-giġ rja. (imurign 62:5)
- 23 đalbat rbbi rad-awn-ifk, sigġlat dârs ra-tafm, ssđuqqrat-n sers rad-awn-irzem. (matta 7:7)
- 24 awyat-stt ġilad ġ-iĥf-nnun, tawim-tt ula ġ-tuwrut kullutt... teksem amnaggar n-rbbi. (ireqqasn 20:28)
- 25 a-ur-tasim taġuft i-tudert-nnun... lhuwat zwâr s-tġeldit n-rbbi s-awn-izwuyd kullu tiġawsiwin-an yađni. (luqa 12:31,22)
- 26 imbârkin ad-gan ġwilli tšbarnin, ašku ntni a-ra-iššekšem rbbi s-kullu timiĥar-ns. (matta 5:5)
- 27 nkki-ad igan rbbi sidik, rad-ak-yamz ġ-ufus-nnek afasi, iniġ-ak a-ur-tiksattġ. (išaeya 41:13)
- 28 wa-rbbi siditneġ, ism-nnek a-imeqqurn ġ-ddunit kullutt. lĥămd-nnek ieđammer igenwan. (imurign 8:1)
- 29 menšġ a-s-ifulki a-nešker i-sidi rbbi, ar-nttirir ar-nteĥmad i-ism-nnek a-rbbi yatt^win. (imurign 92:1)

- 1 rbbi lli-ifkan awal-ns ra-bdda-gis-izga. (iebraniyn 10:23)
- 2 rad-ittin igenwan d-wakal, walayenni ur-sar-ittin iwalyun-inu. (matta 24:35)
- 3 imma ġwilli umennin... ntni a-mi-ra-issafu rbbi awal-ns. (ruma 4:16)
- 4 ɖalbeġ rbbi lli-yakkan rrja, a-k^wn-i-ěmmr s-lfrāḥ d-sslamt iggutn. (ruma 15:13)
- 5 ay-aḥeddām ifulkin iṣlāḥn, tskert ma-k-id-iqqann s-maylli idrusn, rad-felġ ġ-ufus-nnek ma-iggutn. (matta 25:21)
- 6 zġ-tugut n-wakal a-serk-aqraġ... awi-yyi ar aġarif lli fella yatt^win. (imurign 61:2)
- 7 rad-asn-d-yazn yan igan anejjam, ibidd didsen ifukku-tn. (iṣaeya 19:20)
- 8 iżra tammâra d-taġuft lli-ġ-llan zund ulli bla amkesa. (matta 9:36)
- 9 aṣkad-d sri, a-kullu winna kkatnin tammâra asin tazayt iṣqan, ssunfuġ-awn... tafm gigi asunfu i-iḥf-nnun. (matta 11:28-29)
- 10 rad-siggilġ s-wulli-nu ar kiġ-tn-ufiġ, jjenjemġ-tn kullutn zġ-innaġ fetsen. (ḥizqyal 34:12)
- 11 ra-ifl tza n-id-mraw d-tza yaḍni ferdent ġ-lḥla, iddu ar-isiggil s-talli ijlan ard-stt-yaf. (luqa 15:4)
- 12 awal-ns a-s-a-sflident-wulli. ar-n-yaqra s-tilli ganin tins, kraygatt yat s-ism-ns. (yuḥanna 10:3)
- 13 rad-bedreġ ism-ns ġ-dâr baba rbbi ula lmalayka-ns, iniġ fellas izd winnu a-iga. (anurzem 3:5)
- 14 fārḥat f-ssibt n-ma-tyaran ismawn-nnun ġ-igenna. (luqa 10:20)
- 15 iġ-urd rbbi a-ibennun tiggmi, bla lfaytt a-tnhatafn ibennayn-ns. (imurign 127:1)
- 16 rad-ġliġ ad-ḍufġ, biddeġ ġ-lberj ard zerġ ma-rad-iyi-d-yini sidi rbbi. (ḥabaquq 2:1)
- 17 ar-iyi-tssentalt a-sidi rbbi, zġ-kullu ma-y^wḥšnn. (imurign 3:3)
- 18 sunfu ġ-sidi rbbi, tqelt sers thennat. (imurign 37:7)
- 19 lliġ a-nterju ġ-maylli ur-ta-nezri, hati ar-sers-ntqel nezga ġ-rrja ard-aġ-yili. (ruma 8:25)
- 20 zriyat tudert-nnun bla-da-ttḥubbum iqaridn, tqeneum s-unšk nna-dârun-illan. (iebraniyn 13:5)
- 21 lemdeġ ad-qeneuġ s-aynna-dâri-illan... zund iġ-dâri ma-iggutn zund iġ-dâri ma-idrusn. (filibbi 4:11-12)
- 22 ma-ra-yili i-bnadm iġ-yuwrru iṭṭaf ddunit kullutt iḥser iḥf-ns? (matta 16:26)
- 23 ssmunwat-n ayda ġ-igenna... aṣku innaġ illa-wayda-nnek a-ġ-ra-yili-uwl-nnek. (matta 6:20-21)
- 24 ambârki a-iga wanna iswingimn ġ-imzlaḍ. ra-t-ifukku sidi rbbi ġ-wass n-tnukmut. (imurign 41:1)
- 25 iqama-sul liman d-rrja d-leḥnant... walayenni tamzwarut gisn a-stt-igan d-leḥnant. (1 kurintus 13:13)
- 26 yan ur-itḥennun, ur-issin rbbi. aṣku rbbi iga leḥnant. (1 yuḥanna 4:8)
- 27 nkki a-igan rbbi sidik lli-k-imalan ma-rad-ak-iṣlāḥ. (iṣaeya 48:17)
- 28 sidi rbbi ar-itrebba wanna dârs ieżzan, ar-isserwat wanna iga d-yus. (iebraniyn 12:6)
- 29 ml-iyi a-rbbi ma-gigi-teqṣadt, tquwwedt-iyi bdda ġ-uġaras yastwan. (imurign 27:11)
- 30 ay-aḥeddām n-rbbi,... amn awal-ns ar-tḥennut ġ-wiyyaḍ, ar-tteṣbart ar-tterḥut d-kullu miḍdn. (1 timutaws 6:11)
- 31 aynna-ġ-a-tteḥdamm, ḥedmat gis s-tiqqi-nnun zund iġd sidityneġ a-mi-tteḥdamm urd i-bnadm. (kulussi 3:23)

- 1 ar-itekka kraygatt mani ar-iskâr afulki ar-ijjujji kullu willi tyawkrafnin s-iskraf n-iblis. (ireqqasn 10:38)
- 2 yat-thejjalt... llig-tt-izra siditnneġ tqama gis bahra, yini-as: «ad-ur-tallat.» (luqa 7:13)
- 3 ur-ra-k^wn-felġ a-tgem igigiln, hati ra-d-dârun-wurriġ. (yuhanna 14:18)
- 4 ɖufat ašku ur-tssinm man ass ula man tasaet a-rad-d-aškeġ. (matta 25:13)
- 5 ra-di-tašk tasaet lli-ġ-rad-sfeldn kullu willi llanin ġ-isemɖal i-wawal-inu... rad-d-ffuġn. (yuhanna 5:28-29)
- 6 ra-ittut neffar itjehhdn, azneġ lmalayka-nu ad-ssmunn ġwilli ganin winnu zġ-kraygatt tasga, zġ-ttmi n-ddunit ar ttmi yaɖni. (matta 24:31)
- 7 yakmur-d isigg^wra n-kullu ma-illan. rarat leaql teġwim ġ-iħf-nnun baš a-ttzallam ar-tɖalabm rbbi. (1 biħrus 4:7)
- 8 ur-rad-ajjeġ allen-inu a-temnadnt kra isserkawn. (imurign 101:3)
- 9 rbbi izga-bdda ġ-wawal-ns, ur-ra-k^wn-yajj a-ttyaramm ugg^war n-ma-mi-tezɖarm. (1 kurintus 10:13)
- 10 ur-nssin leib lli-intln ġ-uwl-nneġ. ssgus-iyi a-rbbi zġ-ma-gigi-iregsn. (imurign 19:12)
- 11 ifka iħf-ns ad-aġ-ifru zġ-kullu ma-y^wħšenn, issġus-aġ baš a-ng mġddn-ns lli-bahra-ittirin ad-skârn ma-ifulkin. (tiħus 2:14)
- 12 ra-yyi-ijjenjem siditnneġ zġ-kullu ma-y^wħšenn, issruħ-iyi-n ġ-laman s-tgeldit-ns n-igenna. (2 timutaws 4:18)
- 13 wanna fellas ittekeln ur-sar-ti-t^wgraz. (ruma 9:33)
- 14 wahħa ur-jju-ti-tezrim, iġzza dârun bahra... ar-sers-ttefraħm s-lfrâħ iggutn. (1 biħrus 1:8)
- 15 sidi rbbi issen manwi ganin wins. (2 timutaws 2:19)
- 16 ar-d-issmuqqul zġ-tatt^wit, igabl igenwan d-wakal. (imurign 113:6)
- 17 rbbi lli-mi-nga wins rad-awn-yakka kullu ma-teħtajjam zġ-tmiħâr l-lmâjd-ns f-uwdm l-lmasiħ yasue. (filibbi 4:19)
- 18 ur-nssugir yat i-lħâqq. ur-nezɖar abla a-sers-neskâr. (2 kurintus 13:8)
- 19 iġ-tssenm tiġawsiwin-ad, imbârkin a-ra-tgem iġ-a-sersenti-tskârn. (yuhanna 13:17)
- 20 tujadm ġ-kraygatt tasaet a-di-trarm awal i-kullu wanna-k^wn-isqsan f-rrja lli-gigun-illan. (1 biħrus 3:15)
- 21 ffuġn ireqqasn zġ-lmeħkama, frâħn bahra ašku iga-tn rbbi d-wid-f-irɖa aylliġ rfufenn f-ism n-yasue. (ireqqasn 41:5)
- 22 ad-ur-ttšekkat, ġir amn. (yuhanna 20:27)
- 23 ɖalbeġ rbbi fellak, a-ur-immt liman-nnek. ġakud lliġ ra-di-twurrit, ssdus aytmak. (luqa 32:22)
- 24 ambârki a-iga wanna iħbern izgan ġ-tasaet n-tnukmut. (yaequb 1:12)
- 25 a-tġusm bla gigun illa kra l-leib, tgem tarwa šwanin n-rbbi ġ-wammas n-tasut-ad y^wħšenn ijlan. (filibbi 2:15)
- 26 nkki ur-giġ yat wala dâri yat, walayenni sidi rbbi iswangem bdda gigi. (imurign 40:17)
- 27 f-leħnant-ns a-f-tnejm lliġ sers tumnem. urd f-ssibt n-kra tskârm kunni. (afsus 2:8)
- 28 s-rrħamt-ns iggutn a-s-aġ-ijjenjem, urd f-ssibt n-ifulkitn lli-nskâr. (tiħus 3:5)
- 29 asyat tazaglut-inu tlemdem zġ-gigi... hati tazaglut-inu terħa d-usitti-nu ifessus. (matta 11:29-30)
- 30 a-nluħ kullu ma-yaġ-izuzzayn, nfel ddnub lli-bdda-ittirin a-yaġ-ssmukrusn, baš a-ntazzal bla-da-ntermay ġ-uġaras lli-irzern ġ-lg^wddam-nneġ. (iebraniyn 12:1)

- 1 sidi rbbi iga walli iskârn s-lħâqq. imbârkin ad-gan ġwilli sers tqelnin. (išaeya 30:18)
- 2 null alln-nneġ s-rbbi siditnneġ, ar-sers-ntqel ar akudenna fellaġ irħâm. (imurign 123:2)
- 3 rad-aġ-ifukku zġ-gr ifassen n-inuwwašn-nneġ... baš a-ntăġbad rbbi bla neksuđ yat. (luqa 1:73-75)
- 4 wanna seri isflidn, hati ra-izdeġ ġ-laman, ihennu dârs lħal wala iksuđ yat (amtal 1:33)
- 5 lmasiħ yusi ddnub-nneġ f-ddat-ns ġ-uggejdi... s-tiggas l-lmasiħ a-s-tjjim kunni. (1 biħrus 2:24)
- 6 idħi-t a-immt f-ssibt n-ddnub-nneġ, issnker-t-id a-isker sslamt ġ-graġ dids. (ruma 4:25)
- 7 iħber i-lmut f-uggejdi, ur-tt-yiwi ġ-tedallit, aħku iħra-n lfrăħ lli-rad-as-yili tigira. (iebraniyn 12:2)
- 8 rbbi... issnker-t-id ilemma, irħem-as zġ-uħebbar l-lmut, aħku ur-tezđdar lmut a-ti-tamz. (ireqqasn 2:24)
- 9 iġ-ur-iđer-waqqa n-irdn ġ-wakal immt, waħdut a-ra-iqama. walayenni iġ-immut ra-d-yawi řřabt iggutn. (yuhanna 12:24)
- 10 han lmasiħ yasue a-fellaġ-immutn, inker-d-nnit zġ-lmut yili f-ufasi n-rbbi, ar-t-fellaġ-itđalab. (ruma 8:34)
- 11 nkki a-igan amzwaru ula amgg^waru... kkiġ-ttin mmutġ, walayenni ha-yyi dderġ ġilad ula kullu mayd-d-iftan. (anurħem 1:17-18)
- 12 iħđar a-ijjenjem kullu winna-n-issruħ i-rbbi ġilad ula kullu mayd-d-iftan, aħku idder-bdda a-itđalab rbbi fellasn. (iebraniyn 7:25)
- 13 amn s-siditnneġ yasue tnjemt kiyi d-ayt-tgemmi-nnek. (ireqqasn 16:31)
- 14 ad-ur-tiksaťť. zayd ar-tsawalt d-măiddn... hati lliġ didek. (ireqqasn 18:9-10)
- 15 illa fella ad-tăawanġ kullu măiddn, ayt-temdint ula ayt-udrar, ġwilli ġranin ula ġwilli ur-ġrinin. (ruma 1:14)
- 16 ddu s-tgemmi s-dâr ayt-dârk tinit-asn f-mayd-ak-isker sidik ifulki. (marqus 5:19)
- 17 ur-k-iħeřřa abla leħnant-inu. aħku yan iđeăfn a-ġ-ra-tili-teħkimt-inu itjehhdn s-ugg^war. (2 kurintus 12:9)
- 18 lliġ didnneġ ibidd rbbi ma-rad-aġ-inru? (ruma 8:31)
- 19 kraygatt tasġart, zġ-lġellt-ns a-zġ-a-ttyawssan... aynna-s-iěămmer-uwl a-s-a-isawal imi. (luqa 6:44-45)
- 20 wanna-yyi-ittirin, ra-iskâr s-wawal-inu. (yuhanna 14:23)
- 21 ajjat awal l-lmasiħ a-iěămmer ulawn-nnun, ar-tsslmadm ar-ttnřaħm i-ngratun. (kulussi 3:16)
- 22 iqqan-t-id a-yamz ġ-iwalyun zganin lli-s-a-nsselmad... a-izzeam wiyyađ s-ulemmud i^wġzann. (tiťus 1:9)
- 23 yasue lli-fellawn-ityalaln s-igenna, ra-d-yuwri ġemkad ti-tzram ifta s-igenna. (ireqqasn 1:11)
- 24 ra-d-yuwri tis snat-twal... baš a-ijjenjem kullu winna sers tqelnin rjun-in gis. (iebraniyn 9:28)
- 25 han wanna ur-didi-illn, iga đidd-inu. d-wanna ur-didi-issmunun, ar-issukut. (luqa 11:23)
- 26 wanna ġigun ur-ifiln kullu ma-dârs-illan, ur-ra-yiħđar a-ig amħeđar-inu. (luqa 14:33)
- 27 a-ur-di-twurrim f-zzeamt-an ġigun illan, aħku rad-awn-gis-tili lbaraka iggutn. (iebraniyn 10:35)
- 28 s-ism-nnek a-s-rad-frăħn ass kullut. (imurign 89:16)
- 29 nřker-k a-sidi rbbi lli-iħkamn kullu ma-illan. (anurħem 11:17)
- 30 amz ġilad ġ-rbbi, tzzeamt ul-nnek. tamzť bdda ġ-rbbi. (imurign 27:14)
- 31 zżallat ar-tđalabm rbbi f-kraygatt kra, ar-ti-tťškarm ar-as-ttinim f-aynna-k^wn-iħřřan. (filibbi 4:6)

- 1 rbbi issdus-iyi issnem aġaras-inu. (imurign 18:32)
- 2 a-sidi rbbi, sselmed-iyi f-uġaras-nnek f-a-bdda-skârġ s-tnbađin-nnek. (imurign 86:11)
- 3 amż-bdda ġ-ulemmud i^wġżann lli-mi-dâri-tsfeldt... gabl lamant ifulkin lli-ak-ifka rbbi. (2 timutaws 1:13-14)
- 4 awi alemmud lli-mi-zgigi-tsfeldt ġ-gr inagan ggutnin, tfkt-t ġ-gr ifassen n-mıddn zganin lli-zđarnin ula ntni ad-sselmadrn wiyyađ. (2 timutaws 2:2)
- 5 rad-ak-melġ aġaras lli-k-id-iqqann, iniġ-ak mamnek a-gis-tfettut. (imurign 32:8)
- 6 menşk a-s-tusea tiġezzif tatt^{wi} tedru leġnant l-lmasiġ. (afsus 3:18)
- 7 ar-asn-isawal f-tgeldit n-rbbi, ijjujji ġwilli uđennin. (luqa 9:11)
- 8 ityaram ula nnta zġ-kraygatt tasga zund nkk^{wi}ni, walayenni ur-jju-iskir kra n-ddnb. (iebraniyn 4:15)
- 9 ur-a-teġşamġ s-leġbar-ad ifulkin, aşku iga taġkint n-rbbi lli-s-a-ijjenjam kullu wanna yumnn. (ruma 1:16)
- 10 ar-bdda-yyi-itęawan rbbi sul s-ġassad. mayan a-f-biddeġ ġid ar-akkaġ tugg^wa-nu i-kullu mıddn. (ireqqasn 26:22)
- 11 imbârkin ad-gan winna mi işamġ rbbi f-ddnub-nsen, issitti fellasn ġaylli-tn-işşheşşamn. (ruma 4:7)
- 12 lmasiġ yusi ddnub-nneġ f-ddat-ns ġ-uggejdi, baş a-nemmt i-ddnub nnder i-ma-irđan rbbi. (1 biġrus 2:24)
- 13 tlla-yaġ sslamt ġ-graġ d-rbbi f-uwdm n-siditnneġ yasue lmasiġ, aşku iga-yaġ d-wid-f-irđa f-ssibt n-ma-sers-numn. (ruma 5:1)
- 14 lanbya kullutn ar-akkan tugg^wa-nsen ar-ttinin: s-ism-ns a-s-ra-issitti rbbi ddnub f-kullu wanna sers yumenn. (ireqqasn 10:43)
- 15 nezđar a-n-nakmur s-rbbi ġilad bla-da-n-teġşam ula-da-ntiksađ. (afsus 3:12)
- 16 hati ar-netzeam bahra ġilad, aşku illa-yaġ rra-yađ işġan. (2 kurintus 3:12)
- 17 nkk^{wi}ni kullwaġ, llant-aġ lbarakat ggutnin zġ-tuggt l-lbaraka lli-gis-illan. (yuhanna 1:16)
- 18 lliġ tumnem s-lmasiġ ityawfka-yawn rruġ lqudus lli-f-inna rbbi ra-t-ifk i-mıddn-ns. (afsus 1:13)
- 19 teāmmarat s-rruġ lqudus... ar-bdda-ttşkarm rbbi babatnneġ f-kraygatt kra. (afsus 5:18,20)
- 20 a-ur-tti-tsştiyyarm i-rruġ lqudus n-rbbi lli-awn-ifka. (afsus 4:30)
- 21 akkayat bla-da-ttamżem yat, aşku tumżem bla tefkam yat. (matta 10:8)
- 22 ar-isswa rbbi kullu wanna yaġ irifi, ar-işşbae s-lġir wanna inġa laż. (imurign 107:9)
- 23 hati awal n-rbbi a-s-a-itfraġ. awal-ns a-ġ-a-iswingim ġ-iyiđ ula azal. (imurign 1:2)
- 24 ha-yyi biddeġ ġ-imi ar-sseđuqurġ. (anurżem 3:20)
- 25 wa-sidi, ur-stġallaġ a-tekşemt s-tgemmi-nu. (matta 8:8)
- 26 kullu ma-iskâr ifulki. hati ar-itrara iđerđar ar-sflidn ula izenżam ar-sawaln. (marqus 7:37)
- 27 a-ur-nmala leġnant ġir s-iwalyun ula s-ils walayenni s-isekkirn d-lġaqq. (1 yuhanna 3:18)
- 28 ad-ur-tasim tamerwast i-yan. ġir yat-tmerwast a-k^wn-d-iqqann: a-ttġennum i-ngratun. (ruma 13:8)
- 29 ur-d-uşkiġ ad-fella-teġdamn mıddn. uşkiġ-d ad-teġdamġ, fkeġ tudert-inu ad-fukkuġ ma-iggutn. (marqus 10:45)
- 30 ibârka-ġ rbbi ibđu-aġ mennawt-twafkyu... yan mi ifka a-itęawan, illa fellas a-itęawan s-lfraġ. (ruma 12:6,8)

- 1 babatun issen ma-k^wn-iḥeṣṣan ur-ta-yas-ti-tḍalbem. (matta 6:8)
- 2 ur-a-neskâr f-a-nterḍu bñadm walayenni ar-neskâr f-a-nerḍu rbbi lli-itarmen ul-nneġ. (1 tasaluniki 2:4)
- 3 rbbi lli-gigun-igran afulki ra-t-issafaw ard ikemmel ġ-wass lli-ġ-ra-d-iwurri lmasiḥ yasue. (filibbi 1:6)
- 4 imma nkk^wni ar-tt-ntawi ġ-maylli-s-numn, urd ġ-maylli nżerra. (2 kurintus 5:7)
- 5 illa bdda ġ-tama-nnek ig angabal-nnek. (imurign 121:5)
- 6 illa fellawn a-tḥennuwam ar-ttfulkim ar-ttṣamaḥm i-ngratun ġemkelli-awn-iṣamḥ rbbi f-ssibt l-lmasiḥ. (afsus 4:32)
- 7 ġ-wussan-an ihenna lḥal dâr kullu ayt-umnaggar... ar-ttigatn ar-tdusn, ar-tn-izzεam rruḥ lqudus. (ireqqasn 9:31)
- 8 zaydat ar-tzεamm ar-ttmeawanm i-ngratun ġemkelli tmyârm a-tskârm. (1 tasaluniki 5:11)
- 9 siditneġ lli-igan rruḥ ar-aġ-itbeddal baš a-ng zund nnta, ar-aġ-itayad lmăjd f-lmăjd. (2 kurintus 3:18)
- 10 rruḥ lli-aġ-ifka rbbi... ar-aġ-itεâmmar s-teḥkimt itjehhdn d-leḥnant d-tnbaṭṭ n-iḥf-nneġ. (2 timutaws 1:7)
- 11 ḍalbat rbbi a-ibârk winna-k^wn-sserfufnnin. a-ur-ti-tḍalabm a-tn-iḥzu walayenni a-tn-ibârk. (ruma 12:14)
- 12 biddat ġilad tzgam a-ur-twurrim-daġ s-iskraf n-tsmugit. (galaṭiyya 5:1)
- 13 lliġ didneġ illa sidi rbbi ra-nzeām, nttan a-ra-inru ġwilli fellaġ itak^wln. (imurign 108:13)
- 14 ar-bahra-teājjabn ar-ttinin i-ngratsn: «ma-iga ġwad aylliġ a-itamr aḍu d-umda, ar-skârn s-wawal-ns?» (luqa 8:25)
- 15 takerrayt a-rad-awn-yili ġ-ddunit. walayenni zeām, ha-yyi nriġ ddunit. (yuhanna 16:33)
- 16 yan iskârn lḥăqq s-tġawsiwin mezzinin ra-t-isker ula s-tġawsiwin mequrnin. (luqa 16:10)
- 17 ġayad a-f-tjlam, ašku ur-tssinm arratn n-rbbi ula tssenm tazeḍḍart n-rbbi. (matta 22:29)
- 18 ieāzza-wawal-nnek ugg^war n-uwrġ... d-wanna sers iskârn, lḥir a-rad-as-yili. (imurign 19:10-11)
- 19 yatt^wi rbbi f-kullu timizâr, lmăjd-ns ieāmmer igenwan. (imurign 113:4)
- 20 illa fellaġ a-n-ntemnad ġ-yasue lli-aġ-iskern aġaras-ad s-numn, rad-aġ-gis-yawi ar ttmi. (iebraniyn 12:2)
- 21 lliġ-d-yuška lmasiḥ yawi-awn-in leḥbar n-sslamt i-kunni lli-n-aggugnin. (afsus 2:17)
- 22 nkki ġiġ ddalit, tgem kunni tišetṭwin. (yuhanna 15:5)
- 23 rbbi a-igan tifawt-inu ig anejjam-inu. ma-zġ-rad-iksadġ? (imurign 27:1)
- 24 iġ-a-nttidu ġ-tifawt ġemkelli illa nnta ġ-tifawt, tlla dârneġ tamunt i-ngratneġ, ar-aġ-ssġusn idammen n-yasue. (1 yuhanna 1:7)
- 25 luḥat-n kullu tiġufiwin-nnun f-rbbi ašku ar-gigun-ithâlla. (1 bîṭrus 5:7)
- 26 han aleqqaġ n-rbbi lli-ra-issitti ddnub n-ddunit. (yuhanna 1:29)
- 27 issbayyen-d lmăjd-ns, amenn sers imḥeḍarn-ns. (yuhanna 2:11)
- 28 issefsa aḍu issebidd taḍangiwin... yawi-tn ġ-laman ar lmersa lli-ran. (imurign 107:29-30)
- 29 yan iġaln izd amumn a-iga walayenni ur-a-itnbaḍ ġ-ils-ns, hatin ijla d-iḥf-ns. (yaequb 1:26)
- 30 sawalat s-iwalyun šwanin mimnin, tissann mamnk a-ra-ttrâram i-kraygatt yan awal nna-t-iḥeṣṣan. (kulussi 4:6)
- 31 rar iwalyun n-ils-inu d-iswingimn n-uwl-inu a-k-rḍun a-sidi rbbi. (imurign 19:14)

- 1 ra-bahra-qeneun mġddn-inu s-ufulki lli-rad-asn-skerġ. (irmiyya 31:14)
- 2 iġ-a-ntqerra s-ddnub-nneġ, ra-issafu awal-ns izzga lħaqq issitti fellaġ ddnub-nneġ
issġus-aġ zġ-kullu ma-ginneġ-y^wħšenn. (1 yuħanna 1:9)
- 3 nniġ-ak a-rbbi t^wgraz-yi f-maylli skerġ y^wħšen. ġakudan a-rbbi a-fella-tssittit tazayt
n-ddnub-inu. (imurign 32:5)
- 4 iřamħ-aġ f-kullu ddnub lli-nesker, isfiđ talluħt l-lħsab lli-fellaġ-iħkamn. (kulussi 2:14)
- 5 nřamħat i-ngratun ġemkelli-awn-iřamħ sidunt. (kulussi 3:13)
- 6 wanna ur-iřamaħn, ra-fellas-iħkam rbbi bla-yas-iřamħ. (yaēqub 2:13)
- 7 a-kullu-tgem yan ġ-ma-tswingimm ula ma-s-a-tssħessum, ar-ttħubbum i-ngratun s-tayri
n-aytmatn. (1 bġrus 3:8)
- 8 ġemkad a-s-rad-issann kullu mġddn izd imħeđarn-inu a-tgam, iġ-a-ttħennum i-ngratun. (yuħanna 13:35)
- 9 akkayat luqr i-willi mi illa luqr, ula řřukr i-willi mi illa řřukr. (ruma 13:7)
- 10 wa-rbbi tgıt rbbi-nu, nkerġ zikk ar-serk-siggilġ. (imurign 63:1)
- 11 akmurat-n s-rbbi, yakmur-d srun... knuwat ġ-lg^wddam n-sidunt yall-k^wn. (yaēqub 4:8,10)
- 12 iħudda-yasn isegġ^wasn n-tudert, igli-asn yuwttta n-imzdġen-nsen... bař ad-siggiln s-rbbi. (ireqqasn 17:26-27)
- 13 ur-akk^w-ħřimġ, ařku ssneġ ġwalli-s-umneġ...issanġ is-izđar a-igabl lamant-inu ar ass
igg^wran. (2 timutaws 1:12)
- 14 rbbi waħdut a-ra-yyi-issbidd ġ-laman, d-nttan a-ra-issatt^wi ism-inu. (imurign 62:7)
- 15 zđarġ i-kraygatt kra s-tedwast l-lmasiħ lli-yyi-issdusn. (filibbi 4:13)
- 16 sidi rbbi a-igan aēwin-inu. ur-ksudġ yat. ma-rad-yi-isker bnamd? (iebraniyn 13:6)
- 17 gat-n tiqqi-nnun a-tskârm kullu ma-mi-tezđarm a-bdda-tili sslamt ġ-gratun d-kullu mġddn. (ruma 12:18)
- 18 ssittyat aqlaqal-an ur-ta-n-tđer tafukt. (afsus 4:26)
- 19 a-ur-ntermay ġ-ufulki-ad neskâr, ařku ra-nemger řřabt ġ-uzemz-ns iġ-ur-nehruřři. (galaġiyya 6:9)
- 20 ġwilli ffuġnin luħn-in amud s-imetħtawn, ntni a-ra-imger s-lfrâħ iggutn. (imurign 126:5)
- 21 inna rbbi... rad-dik-iliġ... ssdus iħf-nnek tzeămt. (yařue 1:5,7)
- 22 imma nkk^wni nga ayt-igenna. nga-n rrja-nneġ ġ-unejjam lli-ra-d-yařk zġ-igenna
ar-sers-netqel. (filibbi 3:20)
- 23 ġir imikk ra-n-ařkeġ. amz ġ-ma-dârk-illan, a-ur-tajjt yan a-yk-yak^wr ttaj-nnek. (anurzem 3:11)
- 24 tnnit-yi a-rbbi «akmur-d tissant-yi.» kiyi a-s-riġ a-n-akmurġ a-rbbi. (imurign 27:8)
- 25 iġli yasue s-yan-uwrir a-izzall. izzeri iđ kullut ar-itzalla ar-itđalab rbbi. (luqa 6:12)
- 26 imbârkin ad-gan ġwilli yaġ laz ula irifi i-ma-irđan rbbi, ařku ntni a-ra-iřbâē. (matta 5:6)
- 27 hati yuwz bdda ġwalli-k-igabln, ur-sar-yujji ađar-nnek a-inřeg. (imurign 121:3)
- 28 rbbi iġa rruħ. winna ranin a-ti-teăbadn iqqan-tn-d a-ti-teăbadn s-teħkimt n-rruħ ula lħaqq. (yuħanna 4:24)
- 29 ar-yakka i-kud yan taħkimt n-rruħ lqudus a-sers-iteawan wiyyađ. (1 kurintus 12:7)
- 30 illa f-kraygatt yan a-iskâr s-twafka n-rruħ nna-yas-ifka rbbi, ar-sers-iteawan wiyyađ. (1 bġrus 4:10)
- 31 uzneġ-k^wn ġilad zund ileqqaġn ġ-gr-uwřřann. rarat lēaqł zund alg^wmmađ, tzrim
s-sslamt zund atbir. (matta 10:16)

- 1 rbbi isker sslamt ġ-gras d-ddunit f-uwdm l-lmasiħ... yazn-aġ ad-asn-nsselkam leħbar f-sslamt-ad. (2 kurintus 5:19)
- 2 zaydat ar-bdda-ttʒallam ar-tʒalabm rbbi, trarm lʒaql s-mad-as-ttinim ar-ti-ttšekarm bahra. (kulussi 4:2)
- 3 ħāmdeġ i-sidi rbbi ašku isfeld i-tġ^wuyit-inu. (imurign 28:6)
- 4 fārħat-bdda, ar-ttʒallam ġ-kraygatt luqt, ar-ttšekarm rbbi ġemkenna iga lħal. (1 tasaluniki 5:16-18)
- 5 iqqan-aġ-d a-neskâr s-wawal n-rbbi ugg^war n-wawal n-bnadm. (ireqqasn 5:29)
- 6 knuwat ġ-ddu-ufus itjehhdn n-rbbi baš a-k^wn-yall ġ-uzmz nna-ira. (1 biṭrus 5:6)
- 7 wa-rbbi, udreġ i-iħf-inu ġ-lg^wddam-nnek. ur-a-talleġ allen-inu s-ma-fella-yatt^win. (imurign 131:1)
- 8 hati zgan-warratn n-rbbi, gn lfhemt iggutn i-ibujadin. (imurign 19:7)
- 9 rbbi ar-itgabal aġaras n-willi-f-irġa. (imurign 1:6)
- 10 ssneġ kullu ma-tskârt ula mamnek a-yyi-ttirit. (anurżem 2:19)
- 11 ar-kullu-tmunun s-yan-uwl ad-tʒallan ar-tʒalabn rbbi. (ireqqasn 1:14)
- 12 zzeamat i-ngratun kraygatt ass, maħădd llan-uwssan. (iebraniyn 3:13)
- 13 a-ur-nssikki f-umnaggâr n-ingratneġ ġemkelli skârn kra n-mġddn, walayenni a-nzzeam i-ngratneġ. (iebraniyn 10:25)
- 14 han illa f-kullu winna zzzrinin unšk-ad l-luqt lli-tzzrim kunni, ad-iżđarn ad-sselmadrn wiyyađ. (iebraniyn 5:12)
- 15 tgam ayt-rbbi, izli-k^wn a-tgem wins, baš a-ttawim leħbar i-mġddn f-kullu ma-isker. (1 biṭrus 2:9)
- 16 iġ-illa kra ifulkin ula kra-ġ-illa ma-ttalġem, swingimat ġ-tġawsiwin-ad. (filibbi 4:8)
- 17 inna rbbi: «ur-sar-k-in-felġ ula wurriġ-d fellak.» (iebraniyn 13:5)
- 18 ha-yyi bdda didun ar isigġ^wra n-ddunit. (matta 28:20)
- 19 is-żđarn ayt-tmeġra ad-ażumn d-usli didsen? (marqus 2:19)
- 20 tageldit n-rbbi ur-tgi ameššu neġd tissi, walayenni afulki d-sslamt d-lfrăħ a-tga, s-teħkimt n-rruħ lqudus. (ruma 14:17)
- 21 urd maylli ikeššemn zġ-imi n-bnadm a-t-issehramn. walayenni ġaylli-d-iteffuġn zġ-imi-ns, nttan a-t-issehramn. (matta 15:11)
- 22 a-ur-tajjt kra y^wħsenn a-ikšem s-uwl-nnek. (1 timutaws 1:19)
- 23 wa-rbbi siggel gigi temnadt ul-inu... tżert is-gigi-illa kra y^wħsenn. (imurign 139:23-24)
- 24 kullu manis a-ttidut ġ-kraygatt tasaet, rbbi a-ra-k-igabl zġ-ġik tasawent. (imurign 121:8)
- 25 ibidd didi siditneġ, issdus-iyi ad-asn-tberrahġ s-leħbar ifulkin ġemkelli iga. (2 timutaws 4:17)
- 26 lliġ kemmeln tazallit-ad... eħmmern kullutn s-rruħ lqudus ar-sawaln s-zzeamt s-wawal n-rbbi. (ireqqasn 4:31)
- 27 đalbeġ rbbi lli-yakkan šsebr d-zzeamt, ad-awn-ifk a-bdda-di-ttemšaškam i-ngratun ġ-tamunt l-lmasiħ. (ruma 15:5)
- 28 ssneġ is-ur-tezđart i-ma-iggutn walayenni tumzt ġ-wawal-inu, ur-tnnit is-iyi-ur-tssint. (anurżem 3:8)
- 29 a-nzri zġ-tġawsiwin-an timzwura n-ulemmud f-lmasiħ, nzayd s-ma-igan win imeqqurn. (iebraniyn 6:1)
- 30 lhu iħf-nnek ar-taqrat arratn n-rbbi f-aytmadrn ar-tn-tzzeamt ar-tn-tsselmadrn. (1 timutaws 4:13)

- 1 wa-tarwa mezzinin, skârat-bdda s-wawal n-ayt-dârun, ašku irða rbbi s-mayad. (kulussi 3:20)
- 2 rbbat-tn s-ulemmud n-siditneğ ar-asn-tmalam mamnek a-s-sers-skârn. (afsus 6:4)
- 3 zaydat tşberm ard tlkemm ttmi baş a-timğurm tkemmlem bla-k^wn-iğşsa yat. (yaequb 1:4)
- 4 ar-kullu-tlhun s-ulemmud n-ireqqasn ula tamunt n-ingratsen ar-tebbin ağrum ar-tzallan i-rbbi. (ireqqasn 2:42)
- 5 ar-ittini lğaq s-nniyt n-uwł-ns... izga bdda ğ-wawal-ns, iqama gis ğ-uzemz işqan. (imurign 15:2,4)
- 6 ur-sul-ra-ng zund tarwa mezzinin, ar-tn-itawi-wađu n-kraygatt alemmud l-lejdid. (afsus 4:14)
- 7 rbbi ar-itdadda wanna issimğurn iğf-ns, ar-itbârak wanna izzimğayn iğf-ns. (1 bîtrus 5:5)
- 8 rbbi isti ğwilli dâr ma-idrusn ğ-ddunit ad-dârsn-yigat liman, kşemn s-lwurt n-tgeldit. (yaequb 2:5)
- 9 ra-nğtaf lwurt lli-ra-yili i-mıddn n-rbbi, ra-nekşem ğ-lwurt l-lmasih. (ruma 8:17)
- 10 s-wawal izgan a-s-ağ-impla mayad, yini-ağ is-rad-ağ-ifk tudert idumn. (1 yuğanna 2:25)
- 11 ħâmd i-rbbi a-ul-inu... a-ur-tettut kullu timihâr-ns. (imurign 103:2)
- 12 ibuğaq dârsen tansiwin-nsen, ula igdağ n-igenwan dârsen usudn-nsen, imma yus n-bnadm ur-dârs maniğ a-isras ağayyu-ns. (luqa 9:58)
- 13 iğ-dârneğ ma-nşetta d-ma-nlessa nqenęu s-mayan. (1 timutaws 6:8)
- 14 ra-teşşt lğellt n-twuri n-ifassen-nnek tefrâht tşbâet lğir. (imurign 128:2)
- 15 illa fellas a-iger ğ-kra n-twuri... baş a-dârs-yili ma-yakka i-willi ur-dâr yat. (afsus 4:28)
- 16 s-teğkimt-ns itjehhedn a-s-ağ-d-ifka rbbi kullu ma-nâğtajja baş a-ndder ğ-ddunit ar-t-nterđu. (2 bîtrus 1:3)
- 17 s-şsaht, rad-sunfun zğ-unhataf-nsen, awin didsen lğsab n-kullu mad-skârn ifulki. (anurzem 14:13)
- 18 rbbi a-yyi-iksan, ur-ra-yyi-iğşsa yat. (imurign 23:1)
- 19 amksa ifulkin a-itemtatn f-wulli. (yuğanna 10:11)
- 20 nkki a-igan tanekra ula tudert. wanna sri yumenn, wağğha immut sul idder... is-tument mayad? (yuğanna 11:25-26)
- 21 kkiğ-ttin mmutğ, walayenni ha-yyi dderğ... tğafğ tisura l-lmut ula adğar n-willi mmutnin. (anurzem 1:18)
- 22 s-lğaq inker-d lmasih zğ-lmut ig amenzu ğ-willi taşnin. (1 kurintus 15:20)
- 23 ggutnt-tğuna ğ-tgemmi n-baba... rad-dduğ ad-awn-in-jjujadğ adğar. (yuğanna 14:2)
- 24 ra-d-igguz siditneğ zğ-igenna, nkern-d mıddn l-lmasih lli-mmutnin. (1 tasaluniki 4:16)
- 25 ra-ittut neffar nkern-d ğwilli mmutnin f-ad-ddern s-tudert idumn... iqqan-d ddat-ad itemtatn a-ttyawbeddal s-ma-ra-bdda-idder. (1 kurintus 15:52-53)
- 26 aşkad-d a-imbârkin n-baba rbbi, keşmat s-tgeldit lli-awn-ijjujad zğ-isizwâr n-ddunit. (matta 25:34)
- 27 iğ-dderğ, lmasih a-igan tudert-inu. iğ-mmutğ, rad-iyi-yili ma-yufn tudert-ad. (filibbi 1:21)
- 28 ğ-tnukmüt-an ad-ğran i-sidi rbbi, hati ijjenjem-tn zğ-tağuft-nsen. (imurign 107:13)
- 29 kigan d-imzwura a-ra-igg^wru, d-kigan d-imggura a-ra-izwur. (matta 19:30)
- 30 tawyat-stt ğ-iğf-ñnun a-tşkârm ma-f-rad-akkan kullu mıddn tugg^a n-is-ifulki. (ruma 12:17)
- 31 a-ur-ttasim tağuft i-uzekka, ašku azekka izğar i-tağuft-ns. (matta 6:34)

- 1 ssgus-iyi a-rbbi zġ-ma-gigi-irgsen. teħşart-iyi a-ur-ffuġġ zġ-wawal-nnek. (imurign 19:12-13)
- 2 rad-skerġ yal-İeāhd l-ljdid d-mıddn-inu...gġ tinbađın-inu ġ-iħfawn-nsen, araġ-tnt f-uwlawn-nsen. (iebraniyn 8:10)
- 3 wanna-d-iluln talalit l-ljdid zġ-dār rbbi, ur-a-iskār ddnub, aşku rbbi iżza gis amud-ns. (1 yuħanna 3:9)
- 4 a-ur-tskārm zund mıddn n-ddunit-ad, walayenni ajjat rbbi a-k^wn-irar a-tgem ljdid, ibeddel kullu tinbađın l-İeaql-nnun. (ruma 12:2)
- 5 ar-n-falġ ma-illan ġ-tġurdin, ar-ttiduġ s-ma-illan ġ-lg^wddam. ar-tazzalġ ad-ruħġ ttmi. (filibbi 3:13)
- 6 inukma imi lli-itawin s-tudert, işqu-uġaras-ns, idrus ma-t-itafan. (matta 7:14)
- 7 innag-d-munn sin neġd krađ s-ism-inu, rad-iliġ nkki ġ-wammas-nsen. (matta 18:20)
- 8 ur-illi ġ-ddu igenwan kra n-ism yađni ifka-t rbbi ma-s-a-itenjam bnam. (ireqqasn 4:12)
- 9 wurrin amenn s-yasue kullu willi iżli rbbi ad-kşemn s-tudert idumn. (ireqqasn 13:48)
- 10 wanna isfeldn s-wawal-inu yamn ġwalli-yyi-d-yuznn... ur-ra-fellas-ittut lħukm, aşku izri zġ-lmut s-tudert. (yuħanna 5:24)
- 11 fkat iħfawn-nnun ġ-ufus n-walli-k^wn-iħelqen lli-bdda-izgan ġ-wawal-ns. (1 biħrus 4:19)
- 12 lemdeġ kra İeāzzan, issanġ mamnek ad-teqnaeġ s-kullu kra-yyi-ijran. (filibbi 4:12)
- 13 imbārkin ad-gan ġwilli terfufunnin f-ssibt n-ma-irđan rbbi, aşku ntni a-mi-tlla-tgeldit n-igenna. (matta 5:10)
- 14 rbbi ra-İbārkin yan irfufenn işber i-lbađl f-ssibt n-ma-s-ira a-irđu rbbi. (1 biħrus 2:19)
- 15 rbbi waħdut ad-dār-siggilġ asunfu, dārs a-ġ-ttafġ laman. (imurign 62:1)
- 16 iga zund tasġart ġ-tama n-isura n-waman, ar-takka lġellt, ifrawn-ns ur-a-tsellawn. (imurign 1:3)
- 17 nkka-ttin ar-nteħdam ġ-iyđ ula azal baş a-fellawn-ur-nzżay lliġ a-yawn-netberraħ s-leħbar ifulkin. (1 tasaluniki 2:9)
- 18 a-ur-ttermaym... skārat zund kullu willi umennin şbern aylliġ kşemn s-tmiħār lli-f-asn-inna rbbi. (iebraniyn 6:12)
- 19 iġ-tzgam ġ-wawal-inu... ra-tissanm lħāqq, d-lħāqq a-rad-awn-ifsı zġ-iskraf. (yuħanna 8:31-32)
- 20 mayd nawlen... iġ-iga win bnam ra-iđer. walayenni iġ-iga win rbbi, ur-ra-tizđarm a-tn-tnrum. (ireqqasn 5:38-39)
- 21 ar-didsn-isawal s-teħkimt iggutn ġemkelli-as-imala rruħ lqudus, aylliġ ur-zđarn a-t-nrun s-iwalyun. (ireqqasn 6:10)
- 22 ra-tn-inru... aşku iga nnta anmġur n-inmġurn, ig agellid n-igeldan. (anurzem 17:14)
- 23 leħnant ur-gis tiksadı, walayenni leħnant ikemmeln ar-n-ttluħ tiksadı s-brra. (1 yuħanna 4:18)
- 24 ijjenjem-aġ isird-aġ ifk-aġ talalit n-tudert l-ljdid s-teħkimt n-rruħ lqudus. (tiħus 3:5)
- 25 illa fellaġ a-neskār afulki ġ-kullu mıddn ġakud nna-nufa. (galaġiyya 6:10)
- 26 ikkis-d uđeifn i-tnukmut işqan, issigt-asn tarwa zund tyura-nsen. (imurign 107:41)
- 27 ur-illi ma-yyi-issefraħn zund iġ-sfeldġ f-tarwa-nu is-sul-a-ttidun ġ-uġaras l-lħāqq. (3 yuħanna 4)
- 28 illa fellawn a-ig-wawal-nnun «iyah» nġd «uhu». aynna tzuydm i-mayan, han iblis a-d-ikka. (matta 5:37)
- 29 sawalat s-iwalyun şwanin lli-ra-İeawn ġwilli sflidnin ġ-maylli ħtajjan, awin-asn-d lbaraka. (afsus 4:29)
- 30 a-ur-tinim f-yan is-y^wħşen, a-ur-fellawn-yini rbbi is-t^wħşnem. (luqa 6:37)

- 1 s-teħkimt-ns itjehhedn a-s-a-k^wn-issental kunni lli-sers-umennin, ard tnjemm s-ujenjem ikmmln lli-rad-awn-yili ġ-isigġ^wra n-ddunit. (1 biṭrus 1:5)
- 2 wanna ittinin is-iga win lmasiħ, iqqa-t-id a-iskâr ġemkelli iskâr lmasiħ. (1 yuħanna 2:6)
- 3 wanna igan win lmasiħ, iskr-t rbbi zġ-ljdid. laħ zġ-gis aqdim, yuwri ig win ljdid. (2 kurintus 5:17)
- 4 ur-iri nnta a-ityawhlak yan, walaynni ira kullu mddn ad-wurrin fln iskkirn-nsn ^wħšnnin. (2 biṭrus 3:9)
- 5 a-nddu s-iduran-an yaḍni a-n-tberrahġ ġin-daġ, aħku mayad a-f-d-uškiġ. (marqus 1:38)
- 6 dduwat ġilad s-kraygatt tamazirt, trarm miḍdn ad-gn imħeḍarn-inu. (matta 28:19)
- 7 ambârki a-iga ġwad-d-yuška n-ism n-sidi rbbi. (marqus 11:9)
- 8 ass f-wass ar-sselmadrn ġ-tgemmi n-rbbi ula ġ-tg^wmma n-miḍdn, ar-tberrahn s-leħbar ifulkin. (ireqqasn 5:42)
- 9 leħbar-ad ar-itekka ddunit kullutt, ar-yakka ššabt ġ-kraygatt mani, ġemkelli iskâr ššabt ġ-dârun. (kulussi 1:6)
- 10 lkenz-ad, nusi-t ġ-temkilin n-wakal, baš a-itban izd rbbi a-mi-tlla-teħkimt-ad itjehhedn urd nkk^wni. (2 kurintus 4:7)
- 11 ra-tsfeldem f-imaġn ula leħbarat n-imaġn... walayenni ur-ta-d-iruh isigġ^wra. (matta 24:6)
- 12 ġakud nna-tzram tiġawsiwin-ad ar-jerrunt, nektrat tallem iħfawn-nnun, aħku takmur-d tasaet lli-ġ-ra-tnjemm. (luqa 21:28)
- 13 ad-ur-tiksatt. hati friġ-k-id i-iħf-inu. ġriġ-ak-n s-ism, twurrit tegt winnu. (išaeya 43:1)
- 14 ur-tgim win iħf-nnun, aħku nntan a-k^wn-isġan, ifk fellawn atig-nnun. (1 kurintus 6:19-20)
- 15 ar-tefraħn lmalayka n-rbbi s-yan-n-ifeln kullu ma-isker y^wħšen yuwri-d s-uġaras n-rbbi. (luqa 15:10)
- 16 imbârkin ad-gan ġwilli tħennunin ġ-wiyyaḍ, aħku ntni a-f-ra-d-iħennu rbbi. (matta 5:7)
- 17 akkayat i-wiyyaḍ f-a-yawn-yakka rbbi... aħku s-leħbert lli-s-a-tteħbbarm a-s-rad-awn-ityawħabbbar. (luqa 6:38)
- 18 ar-n-nterju igenna l-ljdid d-wakal l-ljdid, eħmmern s-kullu ma-irḍan rbbi. (2 biṭrus 3:13)
- 19 ur-sul-ra-tili lmut ula taguḍi ula tiġuyya ula aṭṭan, aħku ddunit taqdimt ur-sul-tqama. (anurzem 21:4)
- 20 ur-sar-tn-inġi laħ ula irifi... rad-asn-isfiḍ rbbi kullu imeṭṭawn-nsen. (anurzem 7:16-17)
- 21 alġat rbbi kunni lli-ijjenjem, ikks-k^wn-d i-lhalak ig-k^wn ġ-laman. (imurign 107:2)
- 22 tfrāħ rruħ-inu s-rbbi anejjam-inu, aħku iswangem-d taħeddant-ns imezżin. (luqa 1:47-48)
- 23 imma ġilad, a-bahra-nešker rbbi lli-aġ-d-ifkan ma-yuġ^wrn kullu iswingimn n-bnadm. (2 kurintus 9:15)
- 24 ifl-n kullu mad-dârs-illan, yuwri ig zund ismeg, ilul ġ-ššurt n-bnadm. (filibbi 2:7)
- 25 iwiġ-awn-d leħbar ifulkin f-lefrāħ iggutn... ilul-awn-unejjam lli-igan lmasiħ siditneġ. (luqa 2:10-11)
- 26 gguzġ-d zġ-igenna baš ad-skârġ ma-ira ġwalli-yi-d-yuznn, urd mad-riġ nkki. (yuħanna 6:38)
- 27 yuška-d s-ddunit, d-sers a-s-ttyawħlaq ddunit, walayenni ur-t-uk^wzn ayt-ddunit. (yuħanna 1:10)
- 28 ġemkelli-yi-d-yuzn baba, ġemkad a-s-ra-k^wn-azneġ ġilad. (yuħanna 20:21)
- 29 ra-fella-takkam tugg^wa... âr timizar aggugnin n-ddunit. (ireqqasn 1:8)
- 30 ra-tberrahm ġ-kullu ddunit s-leħbar ifulkin n-tgeldit n-igenna ard lkement tugg^wa-nnun kraygatt tamazirt. (matta 24:14)
- 31 ilkem leħbar-ns timizâr aggugnin, amenn sers ġ-kullu ddunit. (1 timutaws 3:16)